


國立故宮博物院珍藏




清代起居注冊

咸豐朝

第五十七冊

國立故宮博物院珍藏



清代起居注冊

咸豐朝第五十七冊

咸豐十一年十一月上……三四二二三
咸豐十一年十一月下……三四三八七
咸豐十一年十二月上……三四五〇一
咸豐十一年十二月下……三四六七一
後記……三四八二一

清代起居注冊—咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經銷

I. (清)沈兆霖等奉敕撰

654.77

7467

72

NT \$ 86,000.00

清代起居注冊

咸豐朝第五十七冊

資料提供者 國立故宮博物院
景印者 聯合報文化基金會國學文獻館
發行人 王 必 成
發行者 聯經出版事業公司

臺北市忠孝東路四段五五七號
電話：七六〇一六—一三二一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同 兩朝 共壹佰冊
定價每部新台幣八六〇〇〇元

72 · 12 · 0650

· 89007157 ·

新學堂
PDG

咸豐十一年歲次辛酉十一月初一日乙酉

上詣綏履殿

母后皇太后前請安平安室

聖母皇太后前請安內閣奉

諭旨文煜奏查明殉難州縣各官及同時被害之

諸色人等懇請分別獎卹並請將援應耽延及

臨陣衝散各員弁訊辦革職一摺本年三四月

間山東匪徒竄入直隸境內曲周清河廣平等
縣失守候選同知曲周縣知縣范守恒典史倪
嘉璘帶勇委員候補典史施煥章均因巷戰被
害甚慘團長從九品職銜王為霖並其子王煊
邯鄲縣勇目李芝有均經力戰陣亡前代理清
河縣知縣陳大烈典史趙維煥帶勇剿賊或受
傷陣亡或被執遇害均屬忠烈可嘉陳大烈著

追贈同知與范守恒均照同知例從優議卹並
於殉難及原籍各地方建立專祠倪嘉璘施煥
章趙維煥均著追贈州判照州判例從優議卹
並於范守恒等殉難地方專祠內分別附祀以
慰忠魂其罵賊被害之范守恒胞弟范秉恒北
河補用州判王纛並該員之僕何升范守恒家
丁王升等十一人陳大烈之叔候選教諭陳政

魁並其弟監生陳大鏞幕友高惟森家丁李升
王福張升鄉勇李常祥書吏焦九愷趙維煥之
堂叔趙德言家壻黃欽范家丁向貴等均著分
別附祀范守恒等殉難地方祠內仍各交部從
優議卹以彰蓋節清河縣油坊鎮縣丞張瑛外
委孟繼祥聞縣城失守即邀集團長在籍教諭
楊翊帶勇前往收復縣城尚屬奮勇張瑛等三

員均著交部從優議敘臨汾關同知林世俊奉
委帶勇馳援曲周耽延不進著文煜即行提省
訊辦如係有心觀望即著嚴叅懲處代理廣平
縣知縣沈寶桐廣平縣典史蔣清雕曲周汎把
總王雲亭清一汎把總王西魁一員稱係被賊
衝散是否畏蕙遁逃尤應嚴切究辦毋任狡飾
署廣平汎外委高斌先因赴鄉調取民團

同安弁斃賊多名收復縣城雖非先期逃避究
未能先豫防著即革職免其置議曲周縣教
諭趙大山訓導張錫三清河教諭劉懿恭廣平
縣教諭魏汝勤訓導蔣珪等俱各護持

文廟無恙著與先期赴省驗看之清河縣訓導徐
璋均著免其置議其曲周縣陣亡之團長從九
品職銜王為霖並其子王峻勇目李芝有廣平

縣擊賊遇害之縣署家丁張升快役馬依學等
未據文煜聲明請卹並著該督查明具奏餘著
照所議辦理該部知道又奉

諭旨德興阿奏請將玩視兵燾之知縣嚴議一摺
豫省通州幫之山東各幫石抵通後業於六
月間經倉場侍郎咨催兌收密雲縣知縣張瀚
延不赴通曾經德興阿奏參降旨嚴催茲據奏

稱該縣於奉文後仍遲至十月初間始行前上
通州復以各幫米石祇有二百餘石其餘未到
等詞捏稟竟司誣卸實屬玩視兵部張瀚著交
部嚴加議處仍責成該縣將已驗各幫米石趕
緊運回毋得再有遷延其餘積欠未到米石並
著倉場侍郎飭令各該糧道迅速挽運以資接
濟

是日

起居注官文奎王祖培

初二日丙戌

上詣綏履殿

母后皇太后前請平安室

聖母皇太后前請安內閣奉

諭旨前因四川軍務未竣需才孔亟特將劉蓉

給三品頂帶署理四川布政使茲據駱秉章
轉據該員呈稱墨緣入仕恐被禮經請俟服闋
後接篆等語旨詞懇至自難重違所請四川布
政使者毛震壽暫行兼署劉蓉俟明年正月服
闋後該督即飭赴任又奉

諭旨駱秉章奏剿辦略坪股匪並追擊藍逆餘黨
大獲勝仗現籌進剿情形一摺四川官軍自綿

州解圍後藍逆勢益窮蹙餘匪尚盤踞羅江之
略坪場等處滋擾八月十九日已革副將唐友
耕派隊進攻將花花場賊壘六座全行燒燬適
羅江縣知縣馬傳業帶勇趕到該逆於略坪上
下分隊意圖截官軍唐友耕督勇截殺逆擊
白鳳鳴等由中路直撲賊營將略坪一帶賊營
燒燬淨盡追殺二十餘里計斃賊四百餘人

匪唐合盜逆餘黨分竄什邡之李家碾等處
狂奔至崇甯縣之花園場適總兵黎得盛帶兵
趕到該逆由場後奔竄我軍跟蹤追剿斃賊三
四百名餘匪紮筏渡河分踞崇慶州之石羊場
等處九月初九日楚軍先後趕到總兵胡中和
等搶過河岸分兵接戰賊眾敗奔我軍乘勢將
馬祖寺一帶賊匪全不黨滅並將范家橋拒匪

擊敗追及石羊場施放礮將場口房屋焚燒
賊遂奔潰我軍追殺一共斃賊萬餘人生擒
一千三百五十餘名殘匪併趨丹稜竄合眉州
李逆巨股著駱秉章分飭各軍迅速進攻盡殄
賊類毋留餘孽陣亡把總必興貴著交部以千
總例言即在事出力員弁勇丁著駱秉章擇尤
保奏候朕施恩又奉

諭旨總理各國事務衙門奏習教人眾請分別
獎勵令地方官妥為辦理等語據稱法國條約
內載天主教原以勸人行善為本俟其勸善之
意與釋道同是以康熙年間曾經准行惟近來
各省習教之人與不習教者往往彼此齟齬若
不持平辦理殊不足以昭公允著照所請嗣後
各該地方官於凡交涉習教事件務須查明根